

## Pk. P.U. 10.

## AKTA KERAJAAN TEMPATAN 1976

## UNDANG-UNDANG KECIL TANDAS AWAM

(MAJLIS DAERAH KERIAN) 1991

Akta 171.

PADA menjalankan kuasa-kuasa yang diberi oleh seksyen 73 Akta Kerajaan Tempatan 1976, Majlis Daerah Kerian membuat dan berikutan dengan seksyen 103 Akta itu Pihak Berkuasa Negeri mengesahkan undang-undang kecil berikut:

Nama dan pemakaian.

1. Undang-undang kecil ini bolehlah dinamakan **Undang-undang Kecil Tandas Awam (Majlis Daerah Kerian) 1991** dan hendaklah terpakai kepada kawasan Majlis Daerah Kerian sahaja.

Tafsiran.

2. Dalam undang-undang kecil ini, melainkan jika konteksnya menghendaki makna yang lain—

“Majlis” ertinya Majlis Daerah Kerian,

“tandas awam” ertinya apa-apa bangunan, bilik atau ruang yang disekat-sekat yang mana orang-orang awam boleh pergi untuk membuang air besar, air kecil atau untuk mencuci dirinya;

“Yang Dipertua” ertinya orang yang ada pada masa itu menjalankan kewajipan jawatan Yang Dipertua Majlis Daerah Kerian dengan sah di sisi undang-undang dan termasuklah Setiausaha.

Keberanian dan kehendak-kehendak lain.

3. Mana-mana orang yang berada dalam mana-mana tandas awam—

- (a) membuang sampah, meludah, membuang air kecil atau air besar melainkan di dalam bekas sepatutnya yang dibekalkan bagi maksud masing-masing;
- (b) membiarkan paip terbuka selepas menggunakannya sama ada bekalan air sedang mengalir atau sebaliknya;
- (c) merosakkan atau memindahkan apa-apa barang dalam tandas;
- (d) mengotorkan, melukis, menyonteng atau mengecat apa-apa di atas dinding atau siling;
- (e) berperangai tidak senonoh atau tidak sopan; atau
- (f) meninggalkan mangkuk tandas dengan tidak memancurkan air selepas menggunakannya,

adalah melakukan suatu kesalahan.

4. (1) Tiada seorang pun yang boleh membasuh apa-apa pakaian atau meninggalkan pakaian itu untuk dikeringkan dalam tandas awam.

(2) Tiada seorang pun yang boleh menyalakan api atau memasak makanan dalam tandas awam dan tiada seorang pun boleh makan atau tidur di dalamnya.

Syarat-syarat penggunaan tandas awam.

(3) Tiada seorang pun yang boleh mencuci makanan, perkakas, pinggan mangkuk atau apa-apa bekas dalam tandas awam.

(4) Tiada seorang pun yang boleh menggunakan mana-mana tandas awam sebagai tempat untuk menyimpan barang-barang.

(5) Tiada transaksi perniagaan boleh diuruskan dalam mana-mana tandas awam.

(6) Tiada sesiapa pun dibenarkan mandi di dalam mana-mana tandas awam melainkan kemudahan mandi disediakan di dalamnya.

5. Mana-mana orang yang melakukan apa-apa perbuatan yang melanggar dengan mana-mana peruntukan undang-undang kecil ini boleh diarahkan keluar dari tandas awam oleh Yang Dipertua atau mana-mana orang yang diberikan kuasa olehnya.

Kuasa untuk mengarahkan orang keluar.

6. (1) Sekiranya mana-mana tandas awam dipajak, penerima pajak atau orang yang menjaga tandas awam itu hendaklah menyenggaranya supaya bersih dan terang sehingga memuaskan hati Yang Dipertua.

Kewajipan penerima pajak.

(2) Penerima pajak atau orang yang menjaga mana-mana tandas awam hendaklah menyebabkan supaya sesalinan-undang-undang kecil ini yang ditulis dengan nyata dalam bahasa kebangsaan supaya dipamerkan secara berterusan di tempat yang ketara dalam tandas awam itu.

7. (1) Maka hendaklah diperuntukkan tandas awam yang berasingan untuk jantina yang berlainan yang hendaklah ditandakan dengan tanda-tanda yang sesuai.

Tandas berasingan untuk berlainan jantina.

(2) Tiada seorang pun boleh memasuki atau menggunakan tandas bagi jantina yang berlainan.

8. (1) Jika difikirkannya perlu, Majlis boleh mengenakan caj bagi penggunaan mana-mana tandas awam, menerusi pemberitahuan dalam *Warta*.

Caj.

(2) Mana-mana orang yang gagal membayar caj yang ditetapkan adalah melakukan kesalahan.

9. Mana-mana orang yang melanggar mana-mana peruntukan ini adalah melakukan suatu kesalahan dan apabila disabitkan, boleh didenda tidak melebihi seribu ringgit.

Penalti.

10. (1) Mana-mana pegawai Majlis yang diberi kuasa oleh Yang Dipertua atau mana-mana Pegawai Polis boleh menangkap tanpa waranseseorang yang melakukan di hadapannya atau yang ia percayai dengan munasabah telah melakukan sesuatu kesalahan di bawah undang-undang kecil ini—

Kuasa menangkap.

(a) Jika nama atau alamat orang itu tidak diketahui olehnya dan orang itu enggan memberi nama dan alamatnya; atau



(b) jika ada sebab bagi meragukan ketepatan nama atau alamat yang diberi olehnya.

(2) Seseorang yang ditangkap di bawah perenggan (1) ini hendaklah ditahan dan hendaklah dibawa ke hadapan Majistret dalam tempoh dua puluh empat jam melainkan jika nama dan alamatnya dapat ditentukan terlebih dahulu daripada itu.

Diperbuat pada 30hb Jun 1990.

[MDK 7063; PU. Pk. 36/76 Bhg. III.]

**HAIJ HASAN BIN ABDULLAH,**  
*Yang Dipertua,*  
*Majlis Daerah Kerian*

Disahkan pada 23hb Januari 1991.

[PSUK. Pk. (KT-AM) 30/14/5/1.]

**MUHAMMAD PADZIL BIN KHALID,**  
*Setiausaha,*  
*Majlis Mesyuarat Kerajaan,*  
*Perak*